

UANDAKUA JURHIMBEKUECHERI K'UIRIPUECHERI PARHAKPENI ANAPU

INCHAJPEKUA

Mitiparini eski jánguarhikua, jurhimbekua ka no jupiperakua parhakpeni jimbo jupikuarhisindi jeioerakua jurhimitku jangueri ka no ambe atarantskueri iamindu majku anapuecheri,

Mitiparini eski no eiangperakua ka isku eekua k'uiripuecheri jurhimbekua isi jimbosi xani no sesi kamerajaji; ka uandajaji, eski sanderu k'eri ambe ukua k'uiripuecheri, erokakua materu jaso irekakueri engakso k'uiripuecha, jurhajkutini ia chékua ka komu jáangua, sesi marhuataakaksi uandakua ka mamaru járhati jakajkukuechani,

Mitiparini sesimindu eski k'uiripuecheri jurhimbikuecha kuajpeñaaka K'eri jurhimbikua jimbo, jimbokakso iso k'uiripuecha uatiksi no ambe jupikuarhini ka jauarani no sesi kamberakua jimbo,

Mitiparini istu eski uetarisínga etsekuni ka k'uiriperani iretecheri sesi pajperakua,

Mitiparini eski iretecha, Iretecheri kunguarhikua sesi jimbomendu uandaji ia imecheri jakajkua K'eri karákatarhu k'uiripuecheri jupikuarhikua jurhimbekueri, k'uiripueri k'uratsekua ka ts'iekua ka majku jasi jukaparhperakua ts'ueriticheri ka uarhecheri; ka uandastiksi ia eskaksi uaka ambakiti ambe ireskuni ka irekakua ambe sesi uaxastani eratsiparini eskaksi usínga janguarhikuarhini,

Mitiparini eskiksi K'erhati Irechekuecha eia kurhistiksi sesi, jarhaujpeni indeni kunguarhikua Organisasioni de las Naciones Unidas jingoni, iamendu jajajarperani ka urauani jurhimbekuechani ka janguarhikuechani k'uiripuecheri, ka

Mitiparini eski sesi mitiakaksi iamendu ieni jasi jurhimbekuechani ka jánguarhikuechani sanderu jukaparhakuesti ka inde eia kurhikuani uni isi ukuarhini,

K'ERI TANGUARHIKUA uandasindi

I K'eri Uandakua K'uiripuecheri Jurhimbikuecha Parhakpeni Anapu iamenduchani majku jasi eraaparini eskiksi iamendu iretecha janguarhentaakaksi, eskaksi xani k'uiripuecha eski k'umanchikua juramukuecha imani exeparini mititpeakaksi jorhentpeparini ka kaxomperakua jimbo, ini ambe jajajarhini, uaxastaatikso, sajani arhipani iapurhu iso, jio kurhiñati ka sesi urañati, xani iretecha engakso kurhpitini jaka ka engaksojtu iretecha jima jupindakuarhitini jaka.

Arhujtakua 1

Iamendu k'uiripuecha janguarhiparini ka majku jarhati ka jurhimbekuecha jingoni kueraañasondikso ka, juajtakuarhisindiksi ambakiti eratsekua ka kaxumbikua, jatsistiksi eskaksi sesi arhijperaaka.

Arhujtakua 2

Iamendu k'uiripuecha jatsistiksi iamendu jurhimbekuechani ka janguarhikuechani engaksi ixi uandajka, na uejiki jasi iurhiri jatani, xarharani, ts'uerati o uarhi, uandani, chereñeni, eratseni o materu jangua kamani, nani uejki anapueni, jatsikurhini tumina o no ambe, kueraakatani o materu jasi ambe uni o jamani.

Istu, no ima pañati naki enga kunguarhikua juramukueri jamaaka, naki uejkini o nani uejki anapueni enga jupindakurhitini jauaka ma k'uiripu, xani enga ma paisi juramukuarhiti anapueuaka, eski ima irechekua enga no iamendu ambe jandiajku juramukuarhiaka.

Arhujtakua 3

Iamendu k'uiripuecha jurhimbekua jatsistiksi jamani i parhakpeni, janguarhikuarhini ka tsipekua kuajpemeñani.

Arhujtakua 4

No nema jamaati isku anchikuarhitsipeni nijtu isku jantspeni; isku anchikuarhitsipekua no sesikua jarhasti ka ni niatatsipetichani ataraantani o piauani na uejki jasi jimboeni.

Arhujtakua 5

No nema jatsisti eski komku kañaaka o eski k'uratsekueni jaso ambe kañantaaka.

Arhujtakua 6

Iamendu k'uiripuecha jurhimbekua jatsisksi, iapurhu isi, eski jajajarhiñaaka na uejki jasoeni.

Arhujtakua 7

Iamenduksi majku jastisi jurhimbekuarhu jimbo ka jatsistiksi, ne uejkini, majku jasi kuajpikurhintskua, jurhimbekuecha jingoni. Iamenduksi majku jasi kuajpekuarhintskua jatsisti ne enga t'auajchakuaka ka no paaka ini uandakuani ka eratsekuani.

Arhujtakua 8

Iamendu k'uiripuecha jurhimbikua jatsisti jupikuarhini ambe enga kuajpintaaka, enga tsandpemeņaaka kuramukperakuarhu, eska kuajpeņaantaaka enga imeri jurhimbekuechani t'auajchakumeņaaka.

Arhujtakua 9

No nema uati isikumendu undani jupiņani, oņaņani ni chutaņantani o petaataņani.

Arhujtakua 10

Iamendu k'uiripu jurhimbekua jatsisti, mangueni jatini, eska kurajchaņaaka ka eska sesi kurangumeņaantaaka, eskakso juramuticha no nema jingoni k'uetsapeaka, eratseparinksī imecheri jurhimbekuechani ka janguechani, o engaksī uekaka mitikuni ambesī tsijpa.

Arhujtakua 11

Iamendu k'uiripu tsandpemeņaakata ma ambe tso

No nema jupiņaati ka oņaņani enga jiajkani enga tso

Arhujtakua 12

No noma inchakumeņaati imeri irekakuarhikua jimbo imeri japindembekuarhu, imeri k'umanchikuarhu o imeri ambe axatsoperakuarhunijtu chureņaani jaakuarhimeņaani ambe. Ini ambe jimbo iamendu k'uiripu jatsisti jurhimbekua eska kuajpikurhintaka.

Arhujtakua 13

Iamendu k'uiripu jurhimbekua jatsisti jamani ka erakukuarhini nani enga irekaaka ma Irechekuarhu.

Iamendu k'uiripu jurhimbekua jatsisti ueakuni ma o imeri paisirhu ka menderu ichaakuntani.

Arhujtakua 14

Enga andanguņani o jupiņakuekani jauaka

I jurhimbekua no uati uanakutani o kurajkuarhini ma ambe tsijpakua jimbo enga ambe arhijka Nasionesi Unidasirhu.

Arhujtakua 15

Iamendu k'uiripu jurhimbikua jatsisti nani enga anapueuaka.

No nema euakuarheņaati jurhimbikua isku undani nani enga anapueuaka o irekaaka ka majku jastu enga uekaaka mojtakukuarhini materu o tamu iso

Arhujtakua 16

Ts'ueriticha ka uārhicha, engaksī tumbiuaka ia ka iurhitskirini ia, jurhimbikua jatsistiksī, no p'ingunaparini iurhiri anapuekua o chereņekua jimbo, tembuchani o uambuchani ka ireskuni ma japindembekua; ka majku jaso marhuataatiksī jurhimbikuechani engaksī tembungurhitini jauaka ia ka istu engaksī jurhajkpereaaka.

Jeiokperaparinskī ka uekaparinkuksī uati tembungurhirini.

Japindembekua kueraakatesti parhakpenirhu ka jurhimbikua jarhasti eskiksī ireta ka Irechekua kuajpiaka ka jarhuatpeaka.

Arhujtakua 17

Iamendu k'uiripu jurhimbekua jatsisti eski mamaru ambe jandiajku minguarhiaka, ka istu kunguarhuntatini mamaru ambe jatsikuarhini materu k'uiripuecha jingoni.

No nema euakuarhiņaati iskumendu imeri jatsikuarhikua ambe.

Arhujtakua 18

Iamendu k'uiripu jurhimbekua jatsisti eratseni eski na uekaaka, jajaskani ka chereņentu iso; i jurhimbekujtu arhisīndi eski uņaaka mojtakuni chereņekua ka jokajkukua, istu uandani na jaso chereņesondi ka jakajkusīndi, jandiajku ka uanekuecha jingoni, xani eski mitikuarhiaka ka eskajtu no ambe, jorhenguarhikua jimbo, isī ukua jimbo, jangua ka exekua jimbo.

Arhujtakua 19

Iamendu k'uiripuecha jurhimbekua jatsistiksī arhipeni ka uandani; i jurhimbekujtu arhisīndi eski no ambe ma arhigaaka ambe enga uandaaka, ka etsakuni, mamaru jasī ambe etsakutarakua jimbo.

Arhujtakua 20

Iamendu k'uiripuecha sesikua jasistiksĩ tanguarhiñantani ka kunguarhiñantani kasopekua jingoni.

No nemanksĩ uati uinjarhitani eski ma kunguarhikua jingoniuaaka.

Arhujtakua 21

Iamendu k'uiripu jatsisti sesikua uni andaparakuerani k'eri juramukuarhu, andaparakuerani o enga erakuntskuarhu uéraaka.

Iamendu k'uiripu sesikua jatsisti eski majku jasi ambe uaka teruñarhitani juramukua imeri paisirhu.

K'uiripuери eratekua ireteri anapu majkuesti jupitsekua uinapikua enga ireta uandaaka juramukuери; i kuramukperati uati ma juramitini jatsini erakuntskuarhu engakso ukuarheni jauaka na jatini enga k'uaniaka, erakuntaparini sipatinku o iamendu exeñaparini.

Arhujtakua 22

Iamendu k'uiripu, jimboka iretarhu anapueka, jurhimbikua jatsisti jañañarhikua kuajperata intsoñani jarhuajperaparini iamendu juramukuecha jingoni juchari pvindetsikuarhu jimbo ka tepetsekuarhu, marhuatani tumini juchari Irechekuarhu anapu, enga uetarka imeri jañaskua sesi jaxeaka ka t'arhexeaka.

Arhujtakua 23

Iamendu k'uiripu jatsisti eski intsiñaka ma anchekuarheta, eski ima na jasi jañaskatini jauaka, majkueni eski maruteruecheri ka eska kuajpeñaka enga niatakua no ambe jatsikuarhiaka.

Iamendu k'uiripu jurhimbekua jatsisti, no amutañantaparini, eski meiamuñaka ambe ka na xani enga anchikuarhitini jauaka.

Iamendu k'uiripu enga anchikuarhijka jurhimbikua jatsisti eska sesi meiamuñaka ka sesi exeaka, eski uaka nitamakuarhini ka sesi irekakuarhitarani imeri anapuecha jingoni.

Iamendu k'uiripu sesikua jatsisti kunguarhikuechani uaxastaani ka imajtu inchajpeni kunguarhekuarhu ka isi uni kuapini imeri anchikurhikuani.

Arhujtakua 24

Iamu k'uiripu jatsikuarhesti jurhimbekua mintsikuarhekua, jurhitenchakuarhekua, sesku atakua anchakuarhekua ka isiñtu jakua na jasi jimbo jandajpekua meiamukata.

Arhujtakua 25

Iamu k'uiripu jatsikuarhesti jurhimbekua jurhimbejsitatakua tsipekueri terukutakata imangi tatetspekuuaka, ka isiñtu imeri exenchperakuani, uratajperantskua, ka sesi jakua, ka t'irekua jindemendo, xukuparhakua, irekua, tsinajperakua ka imangi uetarhiuaka ireteri manaratsperakua; ka isiñtu jatsisti jurhimbekua tataetsperakuechani, iki no jatsikuarheuka anchekuarheta, p'amenchakua, no ambouakua, tsindikua, t'arhepekua o materu ambe jimbo enga tsitooka imeri nitamanchakua imangi jimbo no isi atini jauaka.

Kuxarhekua ka uajpa sapichuekua jurhimbekua jatsikuarhestiksĩ jukauantskuaechani ka jandiojko jarhutakuaechani. Iamendu takiecha, jupiukata tembuchakua o uérakua tembuchakuarhu, jurhimbekua jatsisti majku jasi kuañani iretarhu.

Arhujtakua 26

Iamu k'uiripu jurhimbekua jatsikuarhesti amboñastakua intso

Amboñastajperakua niarauati iamu p'irakuni k'uiripekua k'uiripuchaeueri ka uinaperani jañañarhikua jurhimbekua k'uiripuecheri ka janguarhekuaechanijku, uinaperauati kurhangukua, tekaantskua ka sesi pajperakua iamu sorangua k'uiripucheri ka iamu iretecheri o chereñekuaecheri, ka manatooti p'irakukua niatakuaecha Kunguarhekua So

Tatembaecha uati erakuni na jasi amboñastajperakua uekasini intskuni uajpechani.

Arhujtakua 27

Iamu k'uiripu jurhimbekua jatsikuarhesti jandijku inchamukuni mimixekua tsipekuarhu ireteri, marutani anchekuarheta imangi tsitieka ka inchajpeni jurhenguarhu imangi urhepani jauaka ka jurhiatenchakua imangiksĩ jima uérooka.

Iamu k'uiripu jatsikuarhesti jurhimbekua kuajperantskua imeri pejparikuaechani sesi jangua ka kejtakuarhekuecheri imangiksĩ k'uaninchooka, anchekuarheta petakua, mimxekua, karakua o imecheri sesi niatakua jimbo.

Arhujtakua 28

Iamu k'uiripu jurhimbekua jatsikuarhesti esiki ikaskunooka ma ireteri uandangukata ka iamu sirukua k'uiripuecheri jininga jurhimbekuaecha ka janguarhekuecha enga eiamarhijperajaka i ambonastajperakuarhu esoka isi niatakuarheuaka.

Arhujtakua 29

Iamu k'uiripu jatsikuarhesti eiauandakuarhekuaechani ireta jinguni, jimboka jimajku uaka kuerakuarheni jandijku imeri k'uiripekua.

Niatakua iameueri jurhimbekuaecha ka marhunchakua imaeueri janguarhekuaecha, iamu k'uiripu engauati jupikakata jima jimberu esika na uandakata jauaka uandaskukatarhu jimbokijtu isijku uati uigamu jupikani mitejperantskua ka jajajarhikua jurhimbekua ka janguaecheri, ireteri uandangukata ka sesi irekua ma iretarhu imangi jauaka ireteri juramukua.

I jurhimbekuaecha ka jandijku hanguarhekua no uati mentjikusi niatakuarheni tanatskuarhekuni uengurhikua ka uandakuaechani Kunguarhekua Ma Sorangua K'uiripuecheri.

Arhujtakua 30

No ambe ma i ambonastajperakua uati kurhangukuarheni esoki intskusinga jurhimbekua irechakuani, ma umbatsekuani o ma k'uiripuni, uenani ka pirakuni niatakuechani o niatani ambe ma imangisi texurhiuaka kenditani nakinderku ma jurhimbekuechani ka jandijku janguarhekauechani eiamarhijperakatecha i ambonastajperakuarhu.